

感旧集

感舊集卷三

漁洋山人選

德州盧見曾補傳

邢 昉三十一首補遺二首

昉字孟貞江南高淳人崇正諸生有宛遊草石臼集

漁洋詩話余最許石湖邢孟貞五言詩以爲韋柳門庭中

人恨未及友其人官祭酒時鄉人李君令高淳特屬訪其子孫李至訪之則老妻稚孫梵梵孤寡體粥不繼李脫贈三百金爲置腴田其家竟不知出余意也施愚山聞之造余再拜曰某交孟貞三十年不能卹其後人之窮公與孟貞未定交而能卹其身後令不凍餓以死某媿公多矣至爲流涕池北偶談順治辛丑李退菴過揚州予造謁舟中因口近日布衣詩予舉程嘉燧吳兆退菴曰終須還他邢昉第一 明詩綜陳伯璣云孟貞詩無一暢懷語讀之令人增感 施尙白閨章愚山集邢孟貞詩序其爲詩以陶汰爲工以沖淡爲則以婉惻悲涼爲致其企而之峻潔也若病渴者之思清冷其厭穠縛而引避也若見羸豕之負泥塗而紈綺之蒙糞土也故其詩清越無纖埃人病之爲郊寒島瘦不惜也

神鴉歎

富池驛邊日欲西甘寧廟前煙欲迷雙竿半折廟門壞神鴉散盡風淒淒風捲長波

舟去急羣鴉飛上檣頭立送客由來歡客心舟人叫舞拋餘粒估舟斷絕古詞荒無
復釃酒剗牛羊江黃何歲無盜賊從此神鴉無肉食神鴉有神長忍飢不向江灘啄
人骨

楚江雁

江南八月蒲稗黃天邊雁叫煙蒼蒼厯落沙頭并水際三三五五紛成行當時見雁
心悽惻本爲思家歎離隔如今繫艇武昌城始知身是江南客木葉蕭蕭下漢川參
差鴻雁忽聯翩白雲洲上疎還密黃鸝磯頭斷復連沔口雲深迷楚樹分行作隊紛
無數聞道瀟湘菰米多天寒更向瀟湘去

黃州寄杜于皇

葦岸風淒日漸微長隄繫艇晚依依十年紅樹辭鄉去八月黃州見雁飛試問臨臯

殘址在因尋戰地幾家歸翻憐此夕君思我揚子潮回木葉稀

漢江懷古

曾共方城振楚關英雄消盡逝波閒微霜欲下漢陽樹落日初銜大別山蘭杜秋來
洲尚綠瀟湘南去竹多斑燒燈崔題灝詩處一眺風煙倍慘顏

九日大別山登高

鸚鵡洲邊草盡黃白沙如雪禹祠荒古來哀怨多歸楚此日煙波正望鄉山翠乍連
杯酒色亂離頻過幾重陽眼前不見茱萸紫起傍峰頭數雁行

感懷

幼安昔避地茫茫涉廣川踰海不謂遠一去四十年往往談名理疊疊造深元問所
與談誰乃是公孫淵口罔論世事聊此相周旋龍德既無損清風久逾宣生世偶相

符其當師此賢

溪行屢經與亡友胡印度別處興哀賦此

濺濺溪水側是子門前路涓流亂石間
褰裳乃可度憶昔造子廬款款平生故
樽醪亦時有日晏未遑去相送屋東偏
幽林每徐步敝岸注微波殘陽在高樹
情因老易悲欲別恆返顧茲來溪草綠
偶到臨分處予猶耿夙歡子已長不寤
流泣但徘徊空慚子桑扈

與見末別宿舟中作

款款園田留漠漠新秋夜夜露濕莎雞
流連語初罷解纜一揮手惆悵月明下
岸迴林木重猶似見君舍少壯各飢寒
殘年操耜耰塗田歲不登豈遂薄躬稼

哭胡印度

衆人各貪生同盡靡不然君已祛斯累憑化聊忽遷哀樂復何有顧余未能捐銜悽
追往昔再歲逾綿綿茅茨儼虛位殯宮屋西偏游塵積素几零露被荒阡貧巷氣悽
惻潦縮無流泉生死豈云隔徒悲化者賢

漢陽柳

漢陽城中一株柳映日垂絲官路口行人過盡幾含情我獨踟躕屢回首樓閣崔嵬
江上磯臨風此樹最依依千行碧色武昌岸寂寞曾無片葉飛忽漫相看枝孌孌風
露雖殘色猶好偏憐水曲與江灣不覩青青數枝老君不見十年寇賊戰城南烈火
燒殘更不堪攀條折葉還來此極目淒清對漢潭

梅惠連出家自黃州來住寶林菴賦贈

微官曾似南昌尉一鉢三年寄一峰却向青山成遠別獨餘黃面到相逢謾從出世

歌衰鳳且與閒潭制毒龍回首楚雲猶有憶寒溪竹屋定時鐘

酬蔣冷生過鳳游寺覽古之作

路入青林折數盤君行訪古一漫漫荒臺空自連雲樹白浪曾聞到瓦官
雨色乍開江岫迴鶯聲欲罷午鐘殘豫愁歸棹楓初赤却向丹陽古渡看

口號

蜀江船不到三巴湖南船不到長沙滿地干戈關塞裏行人那不早還家

高座詩尋介立上人作

黃葉落未盡招提猶是秋因耽清寂境更上西齋樓風榛蔽遙阪寒景下荒邱惆悵
故情歇難爲永日留

答楊無補吳中見寄

避地家屢遷子居宣公墓渺渺懷清風千秋此相遇策棹詣爾廬情忻任洄泝花飄
沿岸芳燕乳殘春曙別離候圓月盈盈凡幾度豈無夙昔歡頓隔平生趣碧草空復
滋白門已非故徒然黯黯心共向滄洲去

同仍三過禪河菴

數里接遙林悠然罷囂氛因循碧溪曲演漾林端雲拂簷水禽去依席山花薰日午
一微磬塵中何繇聞

聞左帥兵將至蕪湖久未得家書作

我家近鳩茲清川百里餘鳩茲人散盡不見一行書

寺中送張興公

君有向家路但隨溪上松落日送歸去隔溪聞寺鐘

題瓦官寺

南朝當日瓦官寺每到山門感廢興
驍騎倉邊尋古井夕陽重話白頭僧

鄭元白招同陳翼仲秦淮河亭觀漲

長川淼淼接苔磯水檻亭亭日影微
浪捲石頭潮正上天低野外雨頻飛
乍看碧樹懸漁網無復朱簾鬪鴨圍
欲共憑欄更徙倚夕陽風景易沾衣

澣墅乘迅風一日至嘉興作

江路忽綿邈惆悵東風前微茫歷吳縣
水上生寒煙夜潮漲溪淥夾岸桃花然
雲昏天欲雨一鳩鳴桑田越溪轉空碧
百里輕澗沿新林吐微月晚色何澄鮮
孤舟正寥落況復聞扣舷

雨宿錢塘江口

帆隨落潮住向夕野雲昏雨氣來天目江聲出海門山川仍獨往盜賊果猶存卽次
起長歎飄飄動旅魂

上嚴陵釣臺

已躡千秋跡因登百尺亭潮生兩岸碧天入衆峰青獨戍啼江鳥孤槎訪客星長思
人代裏幾得此鴻冥

牧童詞

遠牧牛牧牛渡溪水食牛愛草長飲牛愛水美八月芡蒲新綠好放牛散行逐芡草
牛多食芡芡始稀芡雞哺子忽驚飛柳條作弓蓬作箭日暮射雞牛未歸

楊龍友遷令青田書至言台蕩之遊賦答

括蒼山盡好此地更餐芝不逐神仙令空餘海嶽思春江初解凍賈舶待吟詩花發

桐廬縣應同聽子規

賦得春帆宜別家

我向天邊去南行到永嘉離憂孤棹遠歸夢萬山遮故壘猶秦望春帆過若邪芳蘅連綠水相送杳無涯

晚泊孤嶼無補還吳門

出郭一搖棹颯然風滿林正當江海處無那別離心孤磬連潮上浮雲夾岸陰明朝高閣上還憶此登臨

桐廬江行雜詩

翠壁動寒沙清江二月槎風吹山縣雨先發木奴花
古樹倚青嶂春雲覆浦艫夜潮空自上不到永嘉江

疊嶂樓

細雨逐溪風桃花滿眼紅春光最堪賞多在北樓中
山頭十日雨水向縣城流坐看落花去遙知風滿樓

初冬過胡印度山居以下補遺

林空苔徑淺殘葉未離樹杲杲日出微披榛得樵路
睽離越寒暑容色各驚顧我疑子更衰子歎我非故
所求在衣食屢別寡歡聚有酒幾共酌無生良足慕
冥心投寂樂積想曠幽素寒溪更相送汨汨流泉注

得伯璣蕪湖書却寄

相逢世難成羈旅以信平生賦可哀白下窮交幾
人在南州孺子一書來春風草色楊花客門巷鳩茲
燕子回衰髯不堪頻極目汀洲無限水潏洄

劉城一首

城字伯宗江南貴池人有嶧桐集

明詩綜詩話伯宗次尾足稱貴池二妙才氣亦相敵也

茶排沖

愛此一徑入投身兩壁間清泉漱石出白日照溪閑行盡無人路惟餘太古山相攜採藥去何日更言還

王庭八首

庭字言遠一字邁人浙江嘉興人順治己丑進士官山西布政使

池北偶談王言遠廉介不

苟所至以清惠稱罷歸足跡不入城市常衣布袍行田間人不知其二品大僚也年逾八十乃卒五言詩清真古澹有陶韋之風與石湖邢昉相上下足稱逸品未竹垞彝尊曝書亭集王先生詩序先生世居長水之南梅會里少與從兄翔介人以詩倡和既而登進士騰官方伯凡山川風土廢興治亂之跡友朋離合之感皆見於詩不傍古人不下古手不爲格律聲調所縛類發乎心性所得而

絕剽賊之患蓋卓然可傳者也

雨後

落日殘雨餘林樹半昏黑南山白雲間澹然見秋色冷風何淒淒微微野煙息歸巢鳥更鳴當戶蟲還織惆悵獨坐時悠悠思何極

秋雨遣懷

抱病身獨閒起行日云晏蕭條空林中靡靡秋雨遍殘葉踏飢禽荒村吠寒犬虛室靜琴書閒階冷苔蘚欲愁生計疎還嗟世情淺自適在邱園匪能薄軒冕悠悠歲月深閒情誰當遣

送褚君培

夕陽送君去浩歌成獨還君來山窗下竹石如我閒衆鳥自棲息月明溪水間柴門復誰待呼童方閉關

不相見

故人不相見每恨相別久
花落空亭臺蟬鳴滿楊柳
涼月上南園對影酌杯酒
在昔同車歸能不念攜手

曉雨

獨鳥鳴南園曉來雨初息
空庭生秋陰莓苔長寒色
去來識閒情耳目杳無極
何處復懷思悠悠不可得

所思

所思竟惆悵夜寒風雪深
嗟君重離隔感此孤曠心
將以路云遠幽夢能見尋
翩然發清興爲我彈鳴琴
柴門宛如昔相送在南林
共言別來意日暮愁鄰砧

懷曹九生兄弟

相思不一見惆悵意如何夕陽渡溪水鳥啼深樹多

坐雨

夜雨苦未歇朝來尙紛紛蕭疎入庭竹坐久更相聞

蕭雲從一首

雲從字尺本江南蕪湖貢生

池北偶談蕭尺木以畫擅名江左常作杜律細一卷以爲杜律無拗體穿鑿可笑而援據甚博吳寶崖陳琰曠園雜志

胡季瀛守太平日慕蕭尺木畫三訪之俱辭不見胡怒時新修采石磯太白樓成遂于案牘中插入尺木名攝之比至送至樓中令曰若圖成卽當開釋尺木年已七十餘方臥病不得已畫匡廬峨眉

秦岱衡岳四大名山凡七日而就遂絕筆至今登樓者歎賞不置

梅花下贈唐祖命

同情臥冰雪每覺春來遲何意君作客弛擔在茅茨寒風裂窗紙偶見向南枝獨挈一尊酒高吟五字詩泥埋雙屐齒甘受烈霰欺我旣不解飲圍爐自支頤孤情憶梅

蔓爛漫殊未知造物有真意此花如相期紅紅與白白皆可罄醇醪好會不共賞方知主人癡

陳宏緒一首

宏緒字士業江西新建人兵部尙書道亨子以薦舉官晉州知州有石莊寒

崖嶠齋等集

居易錄新建令姪懋才寄陳士業石莊集徐巨源榆溪集鈔本二君南州眉目士業之文暢巨源之文潔觀石莊酉陽藏書鈔本書二記榆溪上虞山錢公借宋集

書二君真讀書人名下固無虛士也皇華紀聞陳士業負文章重名尤精古文亡友陳伯璣嘗刻其遺文晚年輯宋遺民錄乙巳曾序予論詩絕句其絕筆也香祖筆記陳晉州士業云極喜古琴

銘四句云山虛水深萬籟蕭蕭古無人踪惟石嶠曉能理會此便是羲皇以上人愚山集陳士業文集序豫章稱文詞家甚衆其尤工而未遇者吾愛徵君陳士業萬茂先徐巨源數人士業之爲文不務詭奇不俟蒐討修飾而油然沛然敷陳畧盡嘯呼歌泣若草木之于春勾萌畢達若淒風驟雨之于秋冬冱窳暗鳴而不能已

賁菜

瘠地菜色黃肥地菜色綠夜雨過疎籬病葉臥膏沃饑歲二月中盤餐斷何肉朝須